

大明會典

大明會典卷之八十六

禮部四十四

廟祀一

國初於闕左建

四廟。

德祖廟居中。

懿祖東第一廟。

熙祖西第一廟。

仁祖東第二廟。廟與主皆南向。洪武元年定以四時

孟月及歲除凡五享。二年重定時享。春以清明。夏以端午。秋以中元。冬以冬至。惟歲除如舊。三

年又定時享。仍用四孟月。孟春特享於

各廟。各具禮樂。餘時俱奉

三祖神主合享于

德祖之廟。

德祖仍南向。

三祖以次東西向。初獻。各奏本廟樂。亞獻。終獻。徹饌。

還宮。同奏

德廟樂。九年始改建

太廟。其制前為正殿。後為寢殿。俱翼以兩廡。寢殿九間。以一間為一室。中一室奉安。

德祖帝后神主。

懿祖東第一室。

熙祖西第一室。

仁祖東第二室。主皆南向。几席牀榻衾褥。揮施篋笥。

帷幔。器皿之屬。皆如事生之儀。及時享于正殿。則設。

德祖帝后神座。居中南向。

懿祖神座。左第一位。西向。

熙祖神座。右第一位。東向。

仁祖神座。左第二位。西向。凡座止設衣冠而不奉。

主。又以

親王配享于東壁。功臣配享于西壁。孟春擇上旬吉日。孟夏。孟秋。孟冬俱用朔日。歲暮用除日。俱行合享之禮。奏

德廟樂。罷特享禮。及

各廟樂。三十一年。奉祔

太祖神主于寢殿西第二室。南向。正殿神座右第二位。東向。永樂中。定都北京。建廟一如南京之制。

洪熙元年。奉祔

太宗神主于寢殿東第三室。南向。止殿神座左第三

位。西向。宣德元年奉祔。

仁宗神主于寢殿西第三室南向。正殿神座右第三  
位。東向。十年奉祔。

宣宗神主于寢殿東第四室南向。正殿神座左第四  
位。西向。天順八年奉祔。

英宗神主于寢殿西第四室南向。正殿神座右第四  
位。東向。成化二十三年。

憲宗將升祔。而九室已備。始奉祧。

懿祖。

熙祖而下。皆以次奉遷。迺奉祔。

憲宗神主于寢殿西第四室南向。正殿神座右第四  
位東向。弘治初始即歲除日行祫祭禮。十八年  
奉祧

熙祖。

仁祖而下皆以次奉遷。廼祔

孝宗神主于寢殿西第四室南向。正殿神座右第四  
位東向。正德十六年奉祧

仁祖。

太祖而下皆以次奉遷。廼奉祔

武宗神主于寢殿西第四室南向。正殿神座右第四

傳東向。嘉靖十年。

勅諭禮部以

太祖高皇帝重闢宇宙。肇運開基。四時享祭。歷于德祖。不得正南面之位。

命祧

德祖而奉

太祖神主居寢殿中一室為不遷之祖。

太宗而下皆以次奉遷。每歲孟春特享。夏秋冬合享。

改擇季冬中旬大祫。而以歲除為節祭。歸之

奉先殿特享。則奉



太祖居中。

太宗而下。以次居左右。各設一幄南向。奉

主于神座。設冠服及舄于座之左右。祭畢。歲之合享。

則奉

太祖居中南向。

太宗而下。以次東西向。大袞則奉

德祖于

太廟居中南向。

懿祖而下。皆以次東西向。其

親王功臣。移配食於兩廡。又以丙辛年。孟夏行大

禘禮于

太廟奉

皇初祖南向。

太祖西向配享。十四年。更建

世室及

昭穆羣廟于

太廟之左右。其制皆正殿五間。寢殿三間。各有門垣。以次而南。統於都宮。

太廟專奉

太祖居之。

世室在左三昭之上。奉

太宗居之。題曰

太宗廟。

仁宗昭第一廟。曰仁廟。

宣宗穆第一廟。曰宣廟。

英宗昭第二廟。曰英廟。

憲宗穆第二廟。曰憲廟。

孝宗昭第三廟。曰孝廟。

武宗穆第三廟。曰武廟。以立春日。行特享禮於

各廟。立夏立秋立冬日。行時禘禮于

太廟奉

太祖南向。

太宗居東。西向稍近上。

仁宗而下。東西序列相向。季冬大祫。則

德祖居中。

懿祖

熙祖

仁祖

太祖。以次居於左右。俱南向。

太宗而下。如時祫之序。十七年。改上

太宗廟號曰

成祖。加上

皇考獻皇帝廟號曰

睿宗。先是特建

世廟以祀

皇考。後改建

獻皇帝廟。又改題曰

睿宗廟。特享則於本廟行禮。時拾則奉

主合享于

太廟。二十四年。重建

太廟成奉

睿宗升祔而罷

睿宗廟祭寢殿神主則

太祖居中。

成祖

宣宗

憲宗

睿宗序于左

仁宗

英宗

孝宗

武宗序于右。皆南向。時享于正殿。則

太祖仍居中。南向。

成祖而下。以序東西相向。孟春仍于上旬擇日。孟夏

孟秋孟冬仍用朔日。俱合享。祫祭仍以歲除日。

凡儀節俱如舊。大禘禮亦罷。二十八年。奉

孝烈皇后祔享

太廟。歲主

獻皇后之側。遇享居本次。止設位。儀品而祝不及。二

十。九年。奉桃

仁宗。

宣宗而下皆以次奉遷。廼奉祔。

孝烈皇后神主于寢殿西第四室南向。正殿神座右第四位東向。祝仍不及隆慶元年。

世宗升祔。禮部議廟享惟一

帝一

后。后必元配。乃奉

孝潔皇后祔享。而遷

孝烈皇后神主于別殿。六年奉祧

宣宗。



英宗而下皆以次奉遷。廼奉祔

穆宗神主于寢殿西第四室南向。正殿神座右第四

位東向

**廟號**

洪武元年上

高祖考尊謚曰

玄皇帝。廟號

德祖。

妣曰

玄皇后。

曾祖考尊謚曰

恒皇帝。廟號

懿祖。

妣曰

恒皇后。

祖考尊謚曰

裕皇帝。廟號

熙祖。

妣曰

裕皇后。

考尊謚曰

淳皇帝。廟號

仁祖。

妣陳氏曰

淳皇后。

永樂元年。上

高廟尊謚曰

聖神文武欽明啓運俊德成功統天太孝高皇帝。廟

號

太祖。

后馬氏曰

孝慈昭憲至仁文德承天順聖高皇后。嘉靖十七年。

加上

高廟尊謚曰

太祖開天行道肇紀立極大聖至神仁文義武俊德  
成功高皇帝。

高皇后曰

孝慈貞化哲順仁徽成天育聖至德高皇后。

永樂二十二年上

文廟尊謚曰

體天弘道高明廣運聖武神功純仁至孝文皇帝廟  
號

太宗。

后徐氏曰

仁孝慈懿誠明莊獻配天齊聖文皇后。嘉靖十七年。  
加上

文廟尊謚曰

啓天弘道高明肇運聖武神功純仁至孝文皇帝廟  
號

成祖。

洪熙元年上

仁廟尊謚白

敬天體道純誠至德弘文欽武章聖達孝昭皇帝廟

號

仁宗。正統七年上

后張氏曰

誠孝恭肅明德弘仁順天啓聖昭皇后。

宣德十年上

宣廟尊謚白

憲天崇道英明神聖欽文昭武寬仁純孝章皇帝廟

號

宣宗。天順六年上。

后孫氏曰

孝恭懿憲慈仁莊烈齊天配聖章皇后。

天順八年上。

英廟尊謚曰

法天立道仁明誠敬昭文憲武至德廣孝睿皇帝。廟

號

英宗。成化四年上。

錢氏曰

孝莊憲穆弘惠顯仁恭天欽聖睿皇后

成化二十三年上

憲廟尊謚曰

繼天凝道誠明仁敬崇文肅武宏德聖孝純皇帝廟  
號

憲宗。正德十三年上

后王氏曰

孝貞莊懿恭靖仁慈欽天輔聖純皇后。

弘治十八年上

孝廟尊謚曰



建天明道誠純中正聖文神武至仁大德敬皇帝廟  
號

孝宗嘉靖二十年上

后張氏曰

孝康靖肅莊慈哲懿翊天贊聖敬皇后

正德十六年上

武廟尊謚曰

承天達道英肅睿哲昭德顯功宏文思孝毅皇帝廟

號

武宗嘉靖十四年上

后夏氏曰

孝靜莊惠安肅溫誠順天偕聖毅皇后。

嘉靖三年上

獻皇帝尊謚曰

恭穆獻皇帝。七年加上曰

恭睿淵仁寬穆純聖獻皇帝。十七年加上曰

知天守道洪德淵仁寬穆純聖恭儉敬文獻皇帝。廟

號

睿宗。嘉靖十八年上

后蔣氏曰

慈孝貞順仁敬誠一安天誕聖獻皇后。

隆慶元年上

世廟尊謚曰

欽天履道英毅聖神宣文廣武洪仁大孝肅皇帝。廟  
號

世宗。

后陳氏曰

孝潔恭懿慈睿安莊相天翊聖肅皇后。

隆慶六年上

穆廟尊謚曰

契天隆道淵懿寬仁顯文光武純德弘孝莊皇帝廟  
號

穆宗。

后李氏曰

孝懿貞惠順哲恭仁儉天襄聖莊皇后

**時享**

洪武二十六年初定儀

一齋戒前一日太常司官宿于本司。次日具本  
奏致齋三日。次日進銅人

一省牲。

牛九。羊八。山羊十。豕十九。鹿一。兔四。今  
時享續十五。北羊十四。山羊十七。豕三。

十一。鹿一。兔十三。拾。犢十九。牝羊十八。豕三十五。兔十五。山羊。鹿不加。

正祭前二日。太常司官奏明日與光祿司官省牲。至次日省牲畢同復。

命

一陳設

皇高祖前

犢一 羊一 豕一 登二

鉶二 籩豆各十二 簠簋各二

帛二 白色。奉先制帛。

上曾祖

陳設同

皇祖

陳設同

皇考

陳設同

共設酒尊三金爵八瓷爵十六篚四。于殿東。  
祝文案一。于殿西。

後奉祀

四祖。

太祖而下。諸廟陳設並同。嘉靖二十九年。奉祀

仁宗升祔

孝烈皇后。后前止設金爵一。寗爵二。通設酒尊九。金

爵十七。寗爵三十四。篚九。祫祭則尊加五。金爵

加十。寗爵加三十。篚加五

親王配享四壇

共二十一位

第一壇

壽春王

妃劉氏

犢一

羊一

豕一

登二

釧二

籩各十

簋各二

爵六

帛二

展親制帛

第二壇

霍丘王 妃翟氏

下蔡王

安豐王 妃趙氏

南昌王

犢一 羊一 豕一 登六

鉶六 邊豆各十 簠簋各二

爵十八 帛六 展乾制帛

第三壇

蒙城王 妃田氏



盱眙王

妃唐氏

臨淮王

妃劉氏

陳設與二壇同

第四壇

寶應王

六安王

來安王

都梁王

英山王

山陽王

招信王

犢一

羊一

豕一

登七

鉶七

籩豆各十

簠簋各二

爵二十一

帛七

展親制帛

共設酒尊三篚四于殿東南北向

功臣配享十壇

今十七壇

中山武寧王徐達

開平忠武王常遇春

岐陽武靖王李文忠

寧河武順王鄧愈

東甌襄武王湯和

黔寧昭靖王沐英

號國忠烈公俞通海

蔡國忠毅公張德勝

越國武莊公胡大海

梁國武桓公趙德勝

泗國武莊公耿再成

永義侯蔡世傑

河間忠武王張玉

以下四壇俱洪熙元年增

東平武烈王朱能

寧國忠莊公王真

榮國恭靖公姚廣孝

嘉靖九年遷于大隆興

誠意伯劉基

嘉靖十三年增

榮國威襄公郭英

嘉靖十六年增

每壇

羊一

豕一

釧一

籩豆各二

簋簋各一

帛一

報功制帛

爵三

簋一

共設酒尊三于殿西南北向

一正祭典儀唱樂舞生就位執事官各司其事。

導引官導引

皇帝至御拜位。內贊奏就位。典儀唱迎神。奏樂。樂止。  
內贊奏四拜。百官同典儀唱奠帛。行初獻禮。奏樂。  
執事官各捧帛。金爵受酒獻于

神御前。讀祝官取祝跪于

神御右。內贊奏跪。典儀唱讀祝。讀訖奉安于

神御前。內贊奏俯伏。興。平身。百官同樂止。典儀唱行亞

獻禮。執事官各以瓷爵受酒獻于

神御前。樂止。典儀唱行終獻禮。儀同亞獻樂止。太常司卿

進立殿東西向。唱賜福。昨光祿司官捧福酒。昨

自

神御前中門左出至

皇帝前內贊奏跪搢圭光祿司官以福酒跪進內贊

奏飲福酒光祿司官以胙跪進內贊奏受胙出

圭俯伏興平身內贊奏四拜同百官典儀唱徹饌

奏樂執事官徹饌樂止太常卿詣

神御前跪奏禮畢請

還宮奏樂內贊奏四拜同百官樂止典儀唱讀祝官

捧祝進帛官捧帛各詣燎位奏樂內贊奏禮畢

一祝文

維洪武

年歲次

月朔

日

孝玄孫皇帝御名敢昭告于

高曾祖考四廟太皇太后

時維孟

春夏  
秋冬

禮嚴祭祀謹以牲醴庶品用申追

慕之情尚

享

嘉靖間稱

六廟皇祖考妣太皇帝后

皇伯考孝宗敬皇帝

皇伯妣孝康敬皇后

皇考睿宗獻皇帝。

皇妣慈孝獻皇后。

皇兄武宗毅皇帝。

孝靜毅皇后。萬曆七年。以熙稱幾廟。

祖妣未明。更定祝文。通列

九廟。帝后聖號。

一樂章

迎神 中和之曲

慶源發祥。世德惟崇。致我眇躬。今云助我

祖宗  
開基建功。京都之內。



卷八十六  
二十  
親廟在東。維我子孫。永懷。

祖宗氣體則同。呼吸相通。來格來崇。

皇靈顯融。

初獻

壽和之曲。武功之舞。

思皇

先祖。燿靈于天。源衍慶流。繇高逮玄。玄孫受命。追遠。

其光。明禋世崇。億萬斯年。

亞獻

豫和之曲。文德之舞。

對越至親。儼然如生。其氣昭明。感格在庭。如見其形。如聞其聲。愛而敬之。發乎中情。

終獻

熙和之曲。文德之舞。

承前人之德。化家為國。母曰予小子。基命成績。

今云。惟前人之功。肇膺天曆。延及予小子。爰受方國。欲報其德。昊天罔極。

懋懃三獻。我心悅懌。

徹饌

雍和之曲。

樂奏儀肅。神其燕娛。告成于

祖。亦佑

皇妣。敬徹不遲。以終祀禮。祥光煥揚。錫以嘉祉。

還宮

安和之曲。


顯兮幽兮。神運無跡。驚馭逍遙。安其所適。其


靈在天。其

主在室。子子孫孫。孝思無斁。

南京


太廟圖







# 太廟總圖

今





# 太廟時享圖





英宗  
孝宗  
光宗  
穆宗

國尊

宗親

樂舞生位

功臣


射引官

位

禮記官

御年  
史班

歲舉祭五祀



# 時享陳設圖







銅

登




蓬

簋




俎





豆



承  
下



嘉靖十年定孟春特享儀

後罷

一前期二日太常寺卿同光祿寺卿

面奏省牲如常儀次日復

命太常寺陳設如圖儀

一正祭日

上乘輿由

廟街門入至靈星門西降黑導引官導

上由靈星左門入

上至戟門東帷幕具祭服上導引官導

上由戟門左門入至

寢殿同捧主官

帝主以大巨恭捧出  
后主以內巨恭捧

主陞

太廟至

太祖室安主。次至

太宗以下昭廟安主。次至

仁宗以下穆廟安主。訖。典儀唱樂舞生就位。執事官

各司其事。導引官導

上至御拜位。內贊奏就位。典儀唱迎神。樂作。樂止。內

贊奏四拜平身。

傳贊言  
官同

典儀唱奠帛。行初獻禮。

樂作。內贊導

上至

太祖前奏跪奏揖主奏上香司香官捧香跪于  
上左。

上三上香訖執事者捧帛跪于

上右奏獻帛。

上獻帛執事者捧爵跪于

上右奏獻爵。

上獻

太祖前爵奏出主。

上出主致恭訖奏揖主捧爵者跪于

上左奏獻爵。

上獻

高后前爵。奏出圭。奏詣讀祝位。

上至中室讀祝位。樂暫止。奏跪。

傳贊衆官皆跪

內贊贊讀祝。

讀祝官跪讀訖。樂復作。奏俯伏興。平身。

傳贊百官同

內贊導

上至

太宗以下昭廟前。奏跪。奏搢圭。奏上香。奏獻帛。獻爵。

儀同奏出圭。內贊導

上至

仁宗以下穆廟前奏跪奏搢圭奏上香奏獻帛獻爵

儀同奏出圭奏詣讀祝位內贊導

上至

太宗前讀祝位奏跪傳贊無樂暫止內贊贊讀祝

七廟讀祝官跪齊讀訖樂復作奏俯伏興平身傳贊百官

同奏復位內贊導

上復位樂止典儀唱行亞獻禮樂作內贊導

上至

太祖前奏搢圭奏獻爵

上獻



太祖

高后前爵訖。奏出。奏復位。

太宗

仁宗以下。捧主官獻爵訖。樂止。典儀唱行終獻禮。樂

作。

儀同亞獻

樂止。太常卿于殿左西向立。唱賜福胙。

內贊奏跪。奏搢主。光祿卿捧酒跪于

上右。奏飲福酒。

上飲訖。光祿官捧胙跪于

上右。奏受胙。

受訖。奏出。主俯伏。興。平身。奏四拜。

傳贊百官同

典儀唱

徹饌樂作樂止太常卿至中室向上跪奏禮畢  
請還宮樂作勺贊奏四拜傳贊百官同樂止典儀唱  
讀祝官捧祝進帛官捧帛各詣燎位  
上轉立拜位之東樂作捧祝帛官出殿門內贊奏禮  
畢

上納

穆廟主次納

昭廟主至

太祖

高后前納主訖率捧主官各捧至

寢殿安訖。易服還宮。

一祝文

維嘉靖 年歲次 月 朔 日

孝玄孫嗣皇帝御名敢昭告于

皇祖太祖高皇帝。

孝慈高皇后。曰。時維孟春。禮嚴特祀。謹以牲帛庶品。

用申追慕。伏惟

鑒歆。尚

享

各廟文同。但隨

廟異稱

一樂章

與時事同

嘉靖十年定時禘儀

後燕

一前一日太常寺陳設如圖儀

一正祭日儀同前惟祝文總一讀

各廟以下上香獻帛獻爵俱捧主官代行

一祝文

維嘉靖

年歲次

月朔

日

孝玄孫嗣皇帝御名敢昭告于

六廟皇祖考妣太皇太后

皇伯考孝宗敬皇帝

皇伯妣孝康敬皇后

皇兄武宗毅皇帝曰

節序更遷時律孟秋。氣序云若源。時律孟冬。謹以牲醴

庶品用薦時禘之禮以申追慕之情伏惟尚

享

一樂章與時享同

嘉靖十五年定

九廟特享儀後罷

一前期太常寺奏請

欽定捧主官及齋戒省牲俱如常儀

一前期一日太常寺官詣

各廟陳設如儀

一正祭日儀同前惟祝文總一讀

各廟俱捧主官行禮

一祝文 與前孟春時享同

一樂章

太廟

迎神 太和之曲

於皇於皇兮仰我

聖祖。乃武乃文。攘夷正華。為天下大君。粵比隆於古。

越彼放勛。肇造王業。佑啓予小孫。功德超邁。

太室攸尊。首稱春祀。誠敬用申。維

神格思。萬世如存。

初獻

壽和之曲

薦帛於篚。潔牲於俎。嘉我稷黍。酌我清醑。愚孫  
必祀。奠獻初舉。翼翼精誠。對越我

皇祖。居然顧歆。永錫純祐。

亞獻

豫和之曲

籥舞既遷。八音洋洋。工歌皇皇。醇醴載羞。齊明  
其將之。永佑于子孫。歲事其承之。俾嗣續克承。

百世其保之

終獻

寧和之曲

三爵既崇禮秩有終盈溢乎顯顯相肅雍維

皇祖格哉以繹以融申錫無窮暨于臣民萬福攸同

徹饌

豫和之曲

禮畢樂成神悅人宜籩豆靜嘉敬徹不遲穆穆  
有容秩秩其儀益祗以嚴矧敢敷于斯

還宮

安和之曲

於皇我

祖陟降在天清廟翼翼裡祀首虔。



明神既留。寢祐靜淵。介福綏祿。錫胤綿綿。以惠我家邦。於萬斯年。

太宗廟

迎神 太和之曲

於維

文皇重光。是宣克戡。內難轉坤。旋乾外讐。百變威行。八埏詒典。則于子孫。不忘不愆。

聖德神功格于

皇天。作廟奕奕。百世不遷。祀事孔明。億萬斯年。

初獻亞獻終獻徹饌還宮

俱與太廟同

仁廟

迎神

太和之曲

明明我

祖盛德天成。至治訏謨。通駿有聲。專莫致享。維古經  
是程。春祀有嚴。以迓

聖靈。維陟降在庭。以賚我思成。

初獻

蕤和之曲

幣牲載陳。金石在懸。清酒方獻。百執事有虔。

明神洋洋。降歆自天。俾我孝孫。德音孔宣。

亞獻

蕤和之曲

中誠方殷

明神如存。醞齊孔醇。再舉蠡尊。福祿穰穰。攸介攸臻。  
追遠報酬。罔極之恩。

終獻

寧和之曲

樂比聲歌。佾舞婆娑。稱彼玉爵。酒旨且多。獻享  
維終。

神聽以和。孝孫在位。受福不那。

徹饌

雍和之曲

牲牲在俎。稷黍在簋。孝享多儀。格我  
稱歌。進徹。髦士膺膺。孝孫受福。以敷錫於下上。

還宮 安和之曲

植享孔明。物備禮成。於昭在天。以莫不聽。

明神即安。維華寢是憑。肇祀迄今。百世祇承。

宣廟

英廟

憲廟

俱與 仁廟同

孝廟

迎神 太和之曲

列祖垂統。景運重熙。於惟

孝皇。敬德允持。用光于大烈。化被烝黎。專廟以享。經

禮攸宜。俎豆式陳。庶幾來思。

初獻

壽和之曲

粢盛孔蠲。膾肥牲牷。考鼓蕭蕭。萬舞蹻蹻。清醑

初酌。對越在天。

明神居歆。式昭厥虔。

亞獻

壽和之曲

祀事孔勤。精意未分。樂感鳳儀。禮虔駿奔。醢齊

挹清。載奠瑤尊。

神其格思。福祿來臻。

終獻

寧和之曲

樂舞既成。獻享維終。明明對越。彌篤其恭。篤恭維何。明德是崇。

神之聽之。萬福來同。

徹饌

雍和之曲

牲牢醴陳。我享我將。黍稷蘋藻。潔白馨香。徹以告成。降禧穰穰。

神錫無疆。祐我萬方。

還宮

安和之曲

禮享既洽。

神御聿興。廟寢煌煌。以憑以寧。維神匪遐。上下在庭。

于寢孔安。永底我烝民之生。

睿廟

迎神 太和之曲

於穆

神皇秉德凝道。仁厚積累。配于

穹昊。流慶顯休。萃于眇躬。施于無窮。以似以續。以光  
紹我

皇宗。維茲氣始。俎豆是共。循厥典禮。式敬式崇。  
神其至止。以鑒愚衷。

初獻 壽和之曲

制帛牲牢。庶羞芬腍。玉戚朱干。協于韶簫清醑。  
在筵中情纏綿。

神之格思。儀形僾然。

亞獻 豫和之曲

瑤爵再陳。侑以工歌。籥舞蹌蹌。八音諧和。孝思  
肫肫。感格。

聖靈致。懋則存。如聞其聲。

終獻 寧和之曲

儀式弗踰。奠爵維三。樂舞雍容。以雅以南。仰仁  
源德澤。嶽崇海淵。願啓我子孫。緝熙光明。維兩



儀是恭

徹饌

雍和之曲

嘉饌甘只。亦既歆只。登歌迅徹。敬終惟始。維神孔昭。賚永成于孝美。

還宮

安和之曲

幽顯莫測。神之無方。祀事既成。

神返諸

帝鄉。申發休祥。俾胤嗣蕃昌。宜君兮宜王。歷世無疆。武廟

迎神

太和之曲

列祖垂統景運重熙於惟

武皇昭德勅威用剪除姦兇大業弗隳專廟以享經  
禮攸宜俎豆式陳庶幾來思

初獻亞獻終獻徹饌還宮俱與 孝廟同

嘉靖十五年定

九廟時禋儀與前時禋儀祝俱同

樂章

孟夏

迎神太和之曲

序屆夏首兮風氣薰禮嚴時禋兮戛擊鐘鼓迎

羣主來。合享交欣。於皇  
列聖。正南面。以申崇報  
皇勲。

初獻 壽和之曲

瞻曙色方昕。仰

列聖在上。奠金觥而捧幣紋。小孫執盈。敢不懼慙。

亞獻 豫和之曲

思

皇祖。仰

聖神。來

列主會太宸時禘修循古倫惟

聖鑒歆愚孫忱恂

終獻

寧和之曲

齊醴清芳麥熟新。遷豆潔芳孝念申。仰

祖功兮

宗德。願降佑兮後人。

徹饌

雍和之曲

樂終兮禮成。告玉振兮訖金聲。徹之弗違。以肅

精誠。

還宮

安和之曲

三獻就兮。

祖宗鑒享。一誠露兮。念惟長思。弗盡兮。思弗忘。深荷德澤之啓佑。小孫惟賴以餘光。

神返宮永安。保家國益昌。

孟秋

迎神太和之曲

時兮孟秋。火西流。感時苾祀兮。爽氣回。喜金風兮。飄來。仰

祖宗兮。永慕哉。秋禘是舉兮。仰鑒歆。小孫躬迓兮。捧素裁。

初獻

壽和之曲

皇祖降筵。

列聖靈臨。執事恐蹟。樂舞跼蹐。小孫捧盈。兮敢弗虔。

亞獻

豫和之曲

再酌兮玉漿。潔淨兮馨香。

祖宗垂享。兮錫胤昌。萬歲兮此禮行。

終獻

寧和之曲

進酒三觥。歌舞雍諧。鐘鼓轟錚。

皇祖

列聖永享。愚誠

徹饌

雅和之曲

秋嘗是舉。稌黍豐農。三獻既周。

聖靈顯容。小孫時思。恩德兮惟懋。

還宮

安和之曲

仰

皇祖兮聖神功。祀典陳兮報莫窮。嘗禘告竣。

鸞馭旋宮。

皇靈在天主。在室萬禩。陟降何有終。

孟冬

迎神

太和之曲

時兮孟冬凜以淒。感時茲祀兮氣潛回。邇朔風  
兮北來。仰

祖宗兮永慕哉。冬祫是舉兮希鑒歆。小孫恭迓兮捧  
素裁

初獻亞獻終獻

同立秋

徹饌

雍和之曲

冬烝是舉。俎豆維豐。三獻既問。

聖靈顯容。小孫時思。恩德兮惟怙。

還宮

同立秋但改嘗祫為烝祫